



**JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIAL**

Komunikadu Imprensa

Periodu : Abril 2010

Edisaun : Abril 2010

**HAMUTUK HO MEDIA; MAI DEZEMVOLVE NO HAMETIN SISTEMA JUDISIARIU
IHA TIMOR LESTE**

Loron 28 de Abril selebra nu'udar loron aniversariu ba dala IX JSMP nian. Iha aniversariu JSMP ba dala IX JSMP deside atu halo hamutuk ho media nu'udar sentidu agredesementu no apresiasaun ba kontribuisaun Media (Media Massa no Elektronika) hodi hatutan lian JSMP nu'udar lian ba justisa ba ema hotu durante periodu tinan 9 nia laran. Relasiona ho hanoin ne'e JSMP deside ho hili tema sentral ba selebarasaun aniversariu ne'e ho titlu **"HAMUTUK HO MEDIA; MAI DEZEMVOLVE NO HAMETIN ITA SISTEMA JUDISIARIU IHA TIMOR LESTE.**

JSMP konsinte katak sein media preukupasaun JSMP nian nunka to'o ba publiku no liu-liu instituisaun no entidades sira ne'ebe relevante ho iha are judisiariu nian. Durante ne'e media hatudu ona esperitu servisu ne'ebe produtivu tebes ba JSMP.

JSMP mos konsiente katak esforsu no komitmentu tomak atu harri no hametin sistema Estadu de Direitu (Estadu tuir Lei), indenpensia sistema judisiariu, provome valores direitus umanutz no protesau ba grupu vulneravel sira la bele mai deit hosi ka *mengandalkan* kapasidade individual/singular hosi organisaun ida deit, maibe tenke konsidera nu'udar esforsu no komitmentu koletiva komponentu hotu, li-liu papel no involvimentu media nu'udar iss no esperitu ba demokrasia nian.

Refleta ba hanoin ne'e, JSMP konvida media atu hamutuk ho JSMP hodi nafatin atu fo hanoin ba asuntu sira ne'ebe to'o oras ne'e, sei kontinua hamosu polemika ka kontraversiu. JSMP rekomenda atu ba oinm JSMP ho media hamutuk nafatin atu hare no fo atensaun koletiva ba asuntu sira ne'ebe durante ne'e preukupu ema hotu nia atensaun no liu-liu bele hamihis no halo fraku ka hamate prosesu dezemvolvimentu sistema judisiariu.

Asuntu hirak ne'e mak: Independensia Judisiariu, polimika kona-ba Kompetensia Presidente ba asuntu indultu, asuntu liangua iha administrasaun judisiri no asuntu intervesaun ka interferensia politiku ba servisu tribunal, seguransa ba autor tribunal, infraestrutura ne'ebe sei kontinua eziste to'o ohin loron.

JSMP konvensidu katak so ho kolaborasaun metin no diak liu entre JSMP ho media sei produz servisu ne'ebé impaktu sai boot liu no produtivu liu iha fututu.

Atu hetan informasaun klaru favor kontaktu:

Luis de Oliveira Sampaio

Direktur Eksekutiv JSMP

Email: luis@jsmp.minihub.org

Lanline: 3323883